

ივანე ჯავახიშვილის სახელობის თბილისის სახელმწიფო უნივერსიტეტის  
წარმომადგენლობითი საბჭოს №8 სხდომის ოქმი

თბილისი

20.06.07

სხდომას თავმჯდომარეობდა წარმომადგენლობითი საბჭოს სპიკერი  
კახაბერ ლორია. წარმომადგენლობითი საბჭოს სრული შემადგენლობა  
განისაზღვრება 34 წევრით. სხდომას ესწრებოდა უნივერსიტეტის  
წარმომადგენლობითი საბჭოს 27 წევრი:

1. ელგუჯა მექვაბიშვილი
2. მიხეილ ჩიკვილაძე
3. ქეთევან მარშავა
4. ნუგზარ თოდუა
5. სოფიო ქვარცხავა
6. ქეთევან მჭედლიშვილი
7. დავით კერესელიძე
8. შოთა სამსონია
9. ამირან ბიბილაშვილი
10. მერი მემარნიშვილი
11. მარი მენტეშაშვილი
12. ზურაბ ძლიერიშვილი
13. მარიამ ჩეკურიშვილი
14. გიორგი შამათავა
15. რომან შაქარიშვილი
16. ზურაბ ფაღავა
17. ილია მესხიშვილი
18. თათია მუავანაძე
19. ირაკლი აბესაძე
20. გიორგი გოგსაძე
21. კახაბერ ლორია
22. რამაზ ქურდაძე
23. დამანა მელიქიშვილი
24. ქეთევან ხუციშვილი
25. ცირა ბარამიძე
26. ნინო ლომოური
27. ავთანდილ აბდუშელიშვილი

## დღის წესრიგი

- 1) თბილისის სახელმწიფო უნივერსიტეტის სარგებლობაში არსებული ქონების ნაწილის იჯარით გაცემა;
- 2) ასისტენტ-პროფესორის აკადემიური თანამდებობის დაკავების წესის დამტკიცება;
- 3) თბილისის სახელმწიფო უნივერსიტეტის წესდების მიღება;
- 4) წარმომადგენლობითი საბჭოს დროებითი რელამენტის ძალადაკარგულად ცნობა.

1) თბილისის სახელმწიფო უნივერსიტეტის სარგებლობაში არსებული ქონების ნაწილის იჯარით გაცემასთან დაკავშირებით მოხსენება გააკეთა ადმინისტრაციის ხელმძღვანელმა ქ-ნ გულნაზი გალდავამ. გაიმართა აღნიშნული საკითხის განხილვა. წარმომადგენლობითი საბჭოს წევრებმა გამოთქვეს აზრი და დასვეს შეკითხვები. ადმინისტრაციის ხელმძღვანელმა უპასუხა დასმულ შეკითხვებს: უნივერსიტეტის პირველი კორპუსის ეზოსა და მადლივ კორპუსში არსებულ ნაგებობებში იგეგმება კვების ობიექტების გახსნა, რომელიც იჯარით გაიცემა საქართველოს კანონმდებლობით დადგენილი წესით კონკურსის გამოცხადების შემდეგ. აღნიშნულ საკითხს ღია კენჭისყრისას მხარი დაუჭირა წარმომადგენლობითი საბჭოს 27 წევრმა.

2) ასისტენტ-პროფესორის აკადემიური თანამდებობის დაკავების წესი შემუშავა აკადემიურმა საბჭომ და დასამტკიცებლად წარუდგინა წარმომადგენლობით საბჭოს. საკითხთან დაკავშირებით სხდომაზე გამოითქვა სხვადასხვა მოსაზრება. წარმოდგენილი წესის დამტკიცებას მხარი დაუჭირა 25 წევრმა, წინააღმდეგი იყო 2 წევრი.

3) განსახილველი საკითხის შესახებ სხდომის წევრებს ინფორმაცია მიაწოდა წარმომადგენლობითი საბჭოს სპიკერმა. მან აღნიშნა, რომ სხდომის წევრებისათვის დარიგებული წესდების პროექტი შემუშავდა აკადემიური საბჭოსა და წარმომადგენლობითი საბჭოს ერთობლივი სამუშაო ჯგუფის მიერ. რის შემდეგაც აღნიშნული პროექტის განხილვა შედგა უნივერსიტეტის აკადემიურ საბჭოში. აკადემიურმა საბჭომ პროექტთან დაკავშირებით მიიღო დადგენილება.

აკადემიური საბჭოს დადგენილების წარმომადგენლობითი საბჭოს სხდომის წევრებისათვის გასაცნობად წარმომადგენლობითი საბჭოს სპიკერმა სიტყვა გადასცა აკადემიური საბჭოს თავმჯდომარეს, თბილისის სახელმწიფო უნივერსიტეტის რექტორს პროფესორ გიორგი ხუბუას. პროფესორმა გიორგი ხუბუამ სხდომის წევრებს წაუკითხა აკადემიური საბჭოს დადგენილების ტექსტი, რომლის მიხედვითაც აკადემიური საბჭო იწონებს წესდების პროექტს გარკვეული შენიშვნებით.



ამის შემდეგ გაიმართა წარმოდგენილი პროექტის განხილვა. აზრი გამოთქვეს წარმომადგენლობითი საბჭოს წევრებმა: დამანა მელიქიშვილმა, რომან შაქარიშვილმა, ელგუჯა მექვაბიშვილმა, ზურაბ ძლიერიშვილმა და ცირა ბარამიძემ. მათ მხარი დაუჭირეს წარმოდგენილ პროექტს და პროექტთან დაკავშირებით აკადემიური საბჭოს დადგენილებაში ასახულ შენიშვნებს.

წარმომადგენლობითი საბჭოს სპიკერმა სხდომის წევრებს შესთავაზა მხარი დაეჭირათ, როგორც პროექტისათვის საზოგადოდ, ისე აკადემიური საბჭოს დადგენილებაში გამოთქმული შენიშვნისათვის, რომელიც ითვალისწინებს უნივერსიტეტის წესდების მიღებას, აგრეთვე, მასში ცვლილებებისა და დამატებების შეტანას წარმომადგენლობითი საბჭოს სხდომის დამსწრეთა უმრავლესობით და არა წარმომადგენლობითი საბჭოს სიითი შემადგენლობით, როგორც პროექტის თავდაპირველ ვარიანტში იყო აღნიშნული.

წარმომადგენლობითმა საბჭომ ღია კენჭისყრის წესით ერთხმად მიიღო გადაწყვეტილება, რომ უნივერსიტეტის წესდების მიღება და მასში ცვლილებებისა და დამატებების შეტანა უნდა ხდებოდეს წარმომადგენლობითი საბჭოს სხდომის მონაწილეთა ნახევარზე მეტით, იმ პირობით, რომ სხდომას ესწრება წარმომადგენლობითი საბჭოს სრული შემადგენლობის ნახევარზე მეტი.

აკადემიური საბჭოს დადგენილებაში გამოთქმული მეორე შენიშვნის თაობაზე წარმომადგენლობითი საბჭოს სპიკერმა განაცხადა, რომ მისი გაზიარება მიზანშეწონილია გარკვეული რედაქციული ცვლილებით, რომელიც არსებითად არ შეცვლის აკადემიური საბჭოს მიერ გამოთქმული მოსაზრების შინაარსს. მან სხდომას შესთავაზა წესდების პროექტის 32-ე მუხლის საკუთარი ვერსია. აღნიშნულთან დაკავშირებით აზრი გამოთქვა წარმომადგენლობითი საბჭოს წევრმა, გიორგი გოგსაძემ, რომელმაც განაცხადა, რომ არ დაუჭერს მხარს ზემოაღნიშნული მუხლის არც თავდაპირველ და არც შესწორებულ ვერსიებს.

საკითხთან დაკავშირებით გაიმართა ღია კენჭისყრა. 32-ე მუხლის სპიკერისეულ რედაქციას, რომელიც ძირითადად ეყრდნობოდა აკადემიური საბჭოს დადგენილებაში ასახულ პოზიციას, მხარი დაუჭირა წარმომადგენლობითი საბჭოს სხდომის 26 წევრმა, წინააღმდეგი იყო 1 (გიორგი გოგსაძე).

საკითხის განხილვის დასასრულს სხდომის თავმჯდომარემ სხდომის წევრებს შესთავაზა, კენჭი ეყარათ უნივერსიტეტის წესდების პროექტისათვის სხდომაზე უკვე გაზიარებული შენიშვნებით. ღია კენჭისყრით უნივერსიტეტის წესდების მიღებას მხარი დაუჭირა წარმომადგენლობითი საბჭოს სხდომის მონაწილე ყველა (27) წევრმა. საბჭოს წევრებმა ერთხმად მიიღეს გადაწყვეტილება უნივერსიტეტის წესდების საქართველოს განათლებისა და მეცნიერების სამინისტროსათვის დასამტკიცებლად გადაცემის შესახებ.



4) სპიკერმა წარმომადგენლობითი საბჭოს სხდომის წევრებს შესთავაზა, რომ საქართველოს განათლებისა და მეცნიერების სამინისტროს მიერ უნივერსიტეტის წესდების დამტკიცების მომენტიდან ძალადაკარგულად ჩაითვალოს წარმომადგენლობითი საბჭოს დროებითი რეგლამენტი.

მიღებული გადაწყვეტილებები

- 1) წარმომადგენლობითი საბჭოს წევრებმა ერთხმად მიიღეს გადაწყვეტილება თბილისის სახელმწიფო უნივერსიტეტის სარგებლობაში არსებული ქონების ნაწილის კონკურსის წესით იჯარით გაცემის შესახებ.
- 2) წარმომადგენლობითი საბჭოს 25 წევრმა მხარი დაუჭირა აკადემიური საბჭოს მიერ წარმოდგენილი ასისტენტ-პროფესორის აკადემიური თანამდებობის დაკავების წესის დამტკიცებას, წინააღმდეგი იყო 2 წევრი.
- 3) წარმომადგენლობითი საბჭოს სხდომის წევრებმა კენჭი უყარეს უნივერსიტეტის წესდებას და ერთხმად მიიღეს იგი. საბჭოს წევრებმა ერთხმად მიიღეს გადაწყვეტილება უნივერსიტეტის წესდების საქართველოს განათლებისა და მეცნიერების სამინისტროსათვის დასამტკიცებლად გადაცემის შესახებ.
- 4) წარმომადგენლობითი საბჭოს სხდომის მონაწილეებმა ერთხმად გადაწყვიტეს, წარმომადგენლობითი საბჭოს დროებითი რეგლამენტი ძალადაკარგულად გამოეცხადებინათ საქართველოს განათლებისა და მეცნიერების სამინისტროს მიერ თბილისის სახელმწიფო უნივერსიტეტის წესდების დამტკიცების მომენტიდან.

დანართი:

- 1) აკადემიური საბჭოს მიერ 2007 წლის 18 ივნისს მიღებული დადგენილება №25;
- 2) აკადემიური საბჭოს მიერ 2007 წლის 18 ივნისს მიღებული №3 წარდგინება;
- 3) ადმინისტრაციის ხელმძღვანელის 2007 წლის 18 ივნისის №412-02 მინართვა ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოსადმი.

სხდომის თავმჯდომარე

კახაბერ ლორია

სხდომის მდივანი

მარიამ ჩეკურიშვილი